

## AUGLÝSING

### um breytingu á deiliskipulagi við Kirkjulund í Garðabæ.

Bæjarstjórn Garðabæjar hefur samþykkt breytingu á deiliskipulagi við Kirkjulund í Garðabæ, lóð fyrir minjaskála. Breytingin felst í því að byggingarreitur fyrir minjaskála er lengdur um 5 metra til suðausturs og nýtingarhlutfall hækkar. Áður samþykkt deiliskipulag af lóðinni fellur úr gildi. Deiliskipulagsbreytingin hefur fengið meðferð í samræmi við 1. mgr. 26. gr. laga nr. 73/1997 með síðari breytingum.

Breytingin öðlast gildi við birtingu þessarar auglýsingar.

*F. h. Garðabæjar, 30. apríl 2002.*

**Bergljót S. Einarsdóttir** skipulagsfulltrúi.

## BYGGINGARSAMÞYKKT

### fyrir Búðahrepp.

1. gr.

Notkun heitzinkhúðaðra röra fyrir neysluvatn er óheimil í Búðahreppi vegna staðbundinna áhrifa neysluvatns á þau.

2. gr.

Ofangreind samþykkt sveitarstjórnar Búðahrepps sem gerð er samkvæmt 6. mgr. 37. gr. skipulags- og byggingarlaga nr. 73/1997, staðfestist hér með samkvæmt 7. mgr. 37. gr. sömu laga til þess að öðlast gildi þegar í stað.

*Umhverfissráðuneytinu, 30. apríl 2002.*

F. h. r.

**Ingimar Sigurðsson.**

*Smári Þorvaldsson.*

## AUGLÝSING


### um búsvæðavernd blesgæsar á Hvanneyri, Borgarfirði.

Umhverfissráðherra hefur að tillögu Náttúruverndar ríkisins og samkvæmt samþykki Landbúnaðarháskólans á Hvanneyri og sveitarstjórnar Borgarfjarðarsveitar ákveðið að friðlýsa Hvanneyrarjörðina sem búsvæði blesgæsar í samræmi við 3. tölulið 53. gr. laga nr. 44/1999 um náttúruvernd, í samræmi við samþykkt um votlendi sem hafa alþjóðlegt gildi, einkum fyrir fuglalíf (Ramsar 1971) sbr. Stjórnartíðindi C nr. 1/1978, samninginn um verndun villtra plantna og dýra og lífsvæða í Evrópu (Bern 1979) sbr. Stjórnartíðindi C nr. 17/1993 og samninginn um líffræðilega fjölbreytni (Río de Janeiro 1992) sbr. Stjórnartíðindi C nr. 3/1995.

Markmið friðlýsingarinnar er að vernda búsvæði fyrir blesgæsir og þar með tryggja grænlenku blesgæsinni athvarf á Íslandi, en Hvanneyrarland er einn af mikilvægustu viðkomustöðum blesgæsa hér á landi. Talið er að um 10% grænlenka blesgæsastofnsins hafi viðkomu í landi Hvanneyrar og næsta nágrenni þess vor og haust. Einnig er markmið friðlýsingarinnar að tryggja almenningi landsvæði til náttúruskoðunar og fræðslu.

*Mörk svæðisins eru:*

Búsvæðaverndin nær yfir jörðina Hvanneyri frá jarðamörkum sem liggja frá Stórástokk í Vatnshamravatn og þaðan um Ausulæk (landamerkjaskurð) í Andakílsá miðja og þaðan út í Hvítá. Mörk náttúruverndarsvæðisins í Hvítá liggja um jarðamörk.



Svæðið afmarkast af eftirfarandi hnitum (ISN93):

- |                             |                             |
|-----------------------------|-----------------------------|
| a (367929,2631;456389,7073) | e (368503,7604;455454,3859) |
| b (368063,4829;456174,3086) | f (367756,6389;452929,8296) |
| c (368209,0563;456268,7113) | g (364070,7144;451440,4161) |
| d (368757,7685;455624,0721) |                             |

Heildarstærð náttúruverndarsvæðisins er 1.744 ha, þ.a. landsvæði 727 ha sem skiptist í flæðiengjar 183 ha, útivist og fræðsla 326 ha og byggð og ræktun 218 ha.

*Um svæðið gilda eftirfarandi reglur:*

- Fuglaveiðar eru bannaðar á náttúruverndarsvæðinu.
- Ef sérstaklega stendur á getur Náttúruvernd ríkisins eða umsjónaraðili veitt undanþágu frá veiðibanninu svo sem til að verja ræktarlönd, tilraunareiti, æðarvarp og vegna rannsókna.
- Mannvirkjagerð og jarðrask á Hvanneyrarengjum er háð leyfi Náttúruverndar ríkisins. Engjarnar má nytja á sama hátt og tíðkast hefur svo sem til slæгна og beitar á vegum Landbúnaðarháskólans á Hvanneyri.

Landbúnaðarháskólinn á Hvanneyri hefur umsjón og eftirlit með búsvæðavernd blesgæsar í Hvanneyrarlandi í umboði Náttúruverndar ríkisins. Gera skal sérstakan samning þar að lútandi sem umhverfisráðherra staðfestir.

Um viðurlög vegna brota á reglum þessum fer eftir ákvæðum laga nr. 44/1999 um náttúruvernd.

Umhverfisráðuneytið er samþykkt friðlýsingunni sem tekur gildi við birtingu auglýsingarinnar í Stjórnartíðindum.

*Umhverfisráðuneytinu, 3. maí 2002.*

**Siv Friðleifsdóttir.**

*Sigurður Á. Þráinsson.*

## REGLUGERÐ

### um þorskfisknet.

#### 1. gr.

Heimilt er að stunda veiðar í þorskfisknet með þeim takmörkunum sem ákveðið er í lögum og reglugerðum hverju sinni.

Á eftirgreindum svæðum eru þorskfiskveiðar í net bannaðar allt árið:

- a) Í Faxaflóa innan línu, sem dregin er réttvísandi 225° að Þormóðsskeri og þaðan um Hellnagölt til lands. Þó eru þorskfisknetaveiðar heimilar á tímabilinu frá 15. september til 31. mars norðan línu, sem dregin er úr Hellnagelti réttvísandi 53° að Búðahrauni.
- b) Á Breiðafirði innan línu, sem dregin er frá Selskeri (austan Sigluness á Barðaströnd) um Selsker sunnan fjarðarins í Eyrarfjall.

#### 2. gr.

Lágmarksmöskvastærð þorskfiskneta, sem heimilt er að leggja, skal vera 5 1/2 þumlungur (139,7 mm).

#### 3. gr.

Þegar möskvastærð er mæld skulu þrjár möskvar lagðir saman og teygðir horna á milli eftir lengd netsins. Netið skal mælt vott.